



Piko
Kuahiwi
Kuamauna
Kuahea
Wao Nahele
Wao Lipo
Wao‘eiwa
Wao Ma‘ukele
Wao Akua

Nā Wao o Maunakea

Piko

‘O ka piko ke panepo‘o o ka mauna. Ma Maunakea, ‘a‘ohe mea ulu ma kona piko.

Kuahiwi

Ma lalo iho o ka piko ke kuahiwi, kahi e ulu ‘ia e ka lā‘au. Ma Maunakea, ‘o ka ‘āhinahina ka lā‘au o ke kuahiwi.

Kuamauna

Ma lalo iho o ke kuahiwi ke kuamauna, he ko‘okū kona ‘ano.

Kuahea

Ma lalo iho o ke kuamauna ke kuahea, kahi e ‘ōlala ai ke kumu lā‘au. Ma Maunakea, ‘o ke kumu māmane a me ke kumu naio nā kumu lā‘au o ke kuahea.

Wao Nahele

Ma lalo iho o ke kuahea ka wao nahele. Ma Maunakea, ma ‘ane‘i e ulu ai ka nahele.

Wao Lipo

Ma lalo iho o ka wao nahele ka wao lipo, kahi e loloa ai ka lā‘au.

Wao‘eiwa

Ma lalo iho o ka wao lipo ka wao‘eiwa.

Wao Ma‘ukele

Ma lalo iho o ka wao‘eiwa ka wao ma‘ukele. Ma Maunakea, ma ‘ane‘i e ulu nui ai ke kumu koa a me ke kumu ‘ōhi‘a, ‘o ia nā kumu lā‘au o ka papa kaupoku a me ka papa ‘oi‘oi. ‘O ke kumu māmane a me ka ‘ōhā wai kekahi mau lā‘au o ka papa hapamalu.

Wao Akua

Ma lalo iho o ka wao ma‘ukele ka wao akua, kahi e ulu nui ai nā lā‘au, ‘o ka ‘ōhi‘a ‘oe, ‘o ke koa ‘oe, ka hō‘awa ‘oe, ‘o ke kōpiko ‘oe, ‘o ke alani ‘oe. Ma ‘ane‘i pū e ulu ai ka maile, ka palapalai, a me ka pala‘ā.